

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članovima 33. i 46. Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona”, broj: 7/21 i 18/21), na prijedlog Ministarstva zdravstva, Vlada Zeničko-dobojskog kantona, na 136. sjednici, održanoj dana 28.12.2021. godine, d o n o s i

ZAKLJUČAK

o usvajanju Programa utroška sredstava planiranih u Budžetu Zeničko-dobojskog kantona za 2021. godinu na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 615100 – „Kapitalni transferi drugim nivoima vlasti - za zdravstvo“

I.

Usvaja se Program utroška sredstava planiranih u Budžetu Zeničko-dobojskog kantona za 2021. godinu („Službene novine Zeničko-dobojskog kantona”, broj: 7/21 i 18/21) na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 615100 - „Kapitalni transferi drugim nivoima vlasti – za zdravstvo“ u iznosu od 4.058.000,00 KM (slovima: četirimilionapedesetosamhiljadakonvertibilnih maraka), koji čini sastavni dio ovog zaključka.

II.

Sredstva planirana Budžetom Zeničko-dobojskog kantona za namjene predviđene ovim zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Za realizaciju ovog zaključka zadužuju se Ministarstvo zdravstva i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja, a stavlja se van snage Zaključak Vlade Zeničko-dobojskog kantona broj: 02-11-9365/21 od 01.07.2021. godine.

PREMIJER

Broj: 02-11-17234/21
Datum, 28.12.2021. godine
Zenica

Mirnes Bašić

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**PROGRAM
UTROŠKA SREDSTAVA PLANIRANIH
U BUDŽETU ZENIČKO-DOBOJSKOG KANTONA ZA 2021. GODINU
NA POZICIJI
“KAPITALNI TRANSFERI DRUGIM NIVOIMA VLASTI- ZA ZDRAVSTVO”**

Zenica, decembar 2021. godine

I UVOD

1. Pravni osnov

U skladu sa članom 33. stav (2) Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21 i 18/21), sredstva utvrđena u razdjelu 21, budžetska organizacija 01, potrošačka jedinica 0001 Budžeta - Ministarstvo zdravstva - pozicija „Kapitalni transferi drugim nivoima vlasti- za zdravstvo“, koristit će se prema programu utroška, odnosno prema aktima koje donosi Vlada Kantona.

U skladu sa članom 46. stav (1) Zakona o izvršavanju Budžeta Zeničko-dobojskog kantona za 2021. godinu, Ministarstvo zdravstva predlaže Vladi Zeničko-dobojskog kantona program utroška sredstava iz člana 33. navedenog Zakona, a stavom (3) istog člana Zakona propisani su bitni elementi programa: naziv programa, svrha programa, visina sredstava, izvori iz kojih će se finansirati, kriterij.

Članom 13. stav 2. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) propisano je da Kanton osigurava sredstva za vršenje osnivačkih prava nad zdravstvenim ustanovama čiji je osnivač, a koji obuhvata investicijsko ulaganje i investicijsko i tekuće održavanje zdravstvenih ustanova, prostora, medicinske i nemedicinske opreme i prevoznih sredstava, te informatizaciju zdravstvene djelatnosti u skladu sa mogućnostima Budžeta Kantona.

Članom 13. stav 4. Zakona o zdravstvenoj zaštiti propisano je da Kanton osigurava sredstva za ostvarivanje društvene brige za zdravlje.

Pandemija izazvana virusom COVID-19 koja je obilježila čitavu 2020. godinu je nastavljena i u 2021. godini, te je postojala objektivna potreba za planiranjem određenih sredstava za neophodne nabavke koje će biti u funkciji sprečavanja širenja pandemije i liječenja pacijenata oboljelih od COVID-19.

Vlada Zeničko-dobojskog kantona Zaključkom broj: 02-11-9365/21 od 01.07.2021. godine, usvojila je Program utroška sredstava sredstava planiranih u Budžetu Zeničko-dobojskog kantona za 2021. godinu na poziciji „Kapitalni transferi drugim nivoima vlasti - za zdravstvo“ u ukupnom iznosu od 4.000.000,00 KM.

Izmjenama i dopunama Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 18/21), planirana sredstva na poziciji „Kapitalni transferi drugim nivoima vlasti - za zdravstvo“ povećana su za 58.000,00 KM i za 2021. godinu iznose 4.058.000,00 KM.

Pored povećanja planiranih sredstava na navedenoj poziciji, JU Kantonalna bolnica Zenica je svojim dopisom broj: 01-11-7316/21 od 15.11.2021. godine uputila zahtjev za unutarnjom preraspodjelom sredstava u okviru ukupno odobrenih sredstava za ovu zdravstvenu ustanovu.

JU Zavod za medicinu rada svojim dopisom broj: 8712/21 od 08.12.2021. godine izvjestio je Ministarstvo zdravstva da po Odluci o odobravanju sredstava broj: 02-11-9985/21 od 13.07.2021. godine, neće biti troškova u 2021. godini, te zahtijevao izmjenu postojećeg Programa, a navedena odluka će se realizovati u narednoj godini.

Pored navedenog JU Zavod za medicinu rada je dostavio zahtjev broj: 8711/21 od 08.12.2021. godine za obezbjeđenjem sredstava za nabavku ultrazvučnog aparata, kao i zahtjev broj: 8870/21

od 14.12.2021. godine za pokrićem troškova nabavke opreme, obzirom da je to ustanova koja nije bila obuhvaćena ranijim raspodjelama sredstava.

2. Naziv programa

Sredstva kapitalnih transfera za zdravstvo sa pozicije Ministarstvo zdravstva Zeničko-dobojskog kantona koristit će se po programu pod nazivom:

Program utroška sredstava planiranih u Budžetu Zeničko-dobojskog kantona za 2021. godinu na poziciji „Kapitalni transferi drugim nivoima vlasti - za zdravstvo“.

3. Ciljevi programa

Pored činjenice da su navedena ulaganja zakonska obaveza za zdravstvene ustanove kojima je osnivač Vlada Zeničko-dobojskog kantona, planiranjem određenih sredstava za zdravstvene ustanove kojima je osnivač grad/općina, doprinosi se poboljšanju kvaliteta zdravstvene zaštite u cjelini.

Izdvajanjem sredstava za namjene utvrđene Programom doprinosi se:

- Podizanju zdravstvene zaštite na viši nivo kroz nabavku neophodne medicinske i nemedicinske opreme,
- obnavljanju zastarjele opreme,
- povećanju zadovoljstva korisnika zdravstvenih usluga,
- smanjenju odliva sredstava u druge kantone za pružene zdravstvene usluge u drugim zdravstvenim ustanovama,
- rješavanje urgentnih potreba zdravstvenih ustanova,
- praćenje i sprečavanje širenja novog korona virusa i poduzimanje neophodnih mjera u cilju zaštite stanovništva od zaraznih bolesti, poduzimanje mjera i aktivnosti da se omogući adekvatno liječenje pacijenata pozitivnih na COVID-19,
- obezbjeđenje neophodne opreme za provođenje vakcinacije protiv COVID-19 i dr.

4. Izvori sredstava

Budžetom Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21 i 18/21) na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti- za zdravstvo“ planirana su sredstva u iznosu 4.058.000,00 KM.

Realizacija se ostvaruje donošenjem programa utroška sredstava i odgovarajućih akata (odluka) o odobravanju sredstava od strane Vlade Zeničko-dobojskog kantona, a prema operativnim planovima potrošnje usklađenim sa procentom ostvarenja javnih prihoda, osim u slučajevima odobrenim posebnom odlukom Vlade Kantona.

5. Korisnici programa

Korisnici Programa su javne zdravstvene ustanove sa područja Zeničko-dobojskog kantona. U sljedećem pregledu data je struktura ulaganja po osnovu kapitalnih transfera za zdravstvo po Programu utroška sredstava broj: 02-11-9365/21 od 01.07.2021. godine, kao i struktura planiranog utroška sredstava po izmjenjenom Programu, koji je predložen nakon usvajanja Izmjena i dopuna Budžeta Zeničko-dobojskog kantona za 2021. godinu :

Redni broj	Vrsta ulaganja	Planirana sredstva po Programu	Planirana sredstva po izmjenjenom Programu
1.	Kapitalni transferi javnim zdravstvenim ustanovama za redovne kapitalne transfere	3.000.000,00	3.108.000,00
	U tome:		
	- Kapitalni transferi za JU Kantonalna bolnica Zenica	2.200.000,00	2.200.000,00
	- Kapitalni transferi ostalim javnim zdravstvenim ustanovama	800.000,00	908.000,00
2.	Kapitalni transferi javnim zdravstvenim ustanovama za neophodne nabavke koje su direktnoj funkciji sprečavanja širenja zarazne bolesti izazvane virusom COVID-19 i liječenja COVID-19 pozitivnih pacijenata	1.000.000,00	950.000,00
	U tome:		
	- JU Kantonalna bolnica Zenica	800.000,00	800.000,00
	- Ostale javne zdravstvene ustanove	200.000,00	150.000,00
	UKUPNO	4.000.000,00	4.058.000,00

- Kapitalni transferi javnim zdravstvenim ustanovama za redovne kapitalne transfere planirani su u iznosu 3.108.000,00 KM, od čega se na JU Kantonalna bolnica Zenica odnosi 2.200.000,00 KM, a na ostale javne zdravstvene ustanove 908.000,00 KM.
- Kapitalni transferi zdravstvenim ustanovama za neophodne nabavke koje su u direktnoj funkciji sprečavanja širenja zarazne bolesti izazvane virusom COVID-19, liječenja COVID pozitivnih pacijenata i provođenja vakcinacije planirani su u iznosu 950.000,00 KM, od čega se na JU Kantonalna bolnica Zenica odnosi 800.000,00 KM, a na ostale javne zdravstvene ustanove 150.000,00 KM.

II PROGRAMI

1. Kapitalni transferi javnim zdravstvenim ustanovama za redovne kapitalne transfere - planirani iznos 3.108.000,00 KM

1.1. Kapitalni transferi JU Kantonalna bolnica Zenica za redovne kapitalne transfere - planirani iznos 2.200.000,00 KM

Vlada Zeničko-dobojskog kantona već nekoliko godina u Budžetu Zeničko-dobojskog kantona planira značajna sredstva namijenjena JU Kantonalna bolnica Zenica za nabavku opreme i druga ulaganja koja imaju karakter stalne imovine sukladno članu 13. Zakona o zdravstvenoj zaštiti („Službene novine Federacije Bosne i Hercegovine”, broj: 46/10 i 75/13), obzirom da se radi o zdravstvenoj ustanovi čije je osnivač Vlada Kantona i ustanovi od opšteg značaja za liječenje pacijenata sa područja Zeničko-dobojskog kantona.

Nabavkom nove i savremenije opreme doprinosi se većem kvalitetu zdravstvene zaštite, smanjenju listi čekanja, većoj zaštiti pacijenata, ali i zdravstvenih radnika prilikom izvođenja određenih zahvata, povećanju broja usluga koje se pružaju pacijentima.

Obzirom na starost objekta JU Kantonalna bolnica Zenica, izgradnjom i adaptacijom građevinskih objekata doprinosi se humanizaciji uslova u kojima pacijenti borave, boljim uslovima rada uposlenika, pružanju zdravstvenih usluga na višem nivou i sl.

Planirana sredstva za kapitalne transfere za JU Kantonalna bolnica Zenica iznose 2.200.000,00 KM ili 70,8% ukupno planiranih sredstava namijenjenih za redovne kapitalne transfere za zdravstvo.

Na zahtjev JU Kantonalna bolnica broj: 01-11-3258/21 od 04.06.2021. godine, a prema prioritetima koje je iskazala ova zdravstvena ustanova, u Program su uvrštene stavke date u sljedećem pregledu, dok je na zahtjev JU Kantonalna bolnica Zenica broj: 01-11-7316/21 od 15.11.2021. godine izvršena izmjena strukture planiranih sredstava u okviru ukupno odobrenog iznosa:

Redni broj	Vrsta ulaganja	Planirana sredstva po Programu	Planirana sredstva po izmjenjenom Programu
1.	Nabavka medicinske opreme	1.500.000,00 KM	1.543.000,00KM
2.	Nabavka nemedicinske opreme	135.000,00 KM	143.000,00 KM
3.	Građevinski radovi	300.000,00 KM	355.000,00 KM
4.	Nabavka rezervnih dijelova za medicinsku i nemedicinsku opremu	265.000,00 KM	159.000,00 KM
	UKUPNO	2.200.000,00KM	2.200.000,00KM

Planirana sredstva za nabavku medicinske opreme dijelom se odnose na ranije zaključene ugovore o nabavci medicinske opreme, odnosno na dio troškova koji će po osnovu tih ugovora teretiti 2021. godinu, a dio na planirane nove nabavke u 2021. godini, prema prioritetima koje utvrdi JU Kantonalna bolnica Zenica.

JU Kantonalna bolnica Zenica je zaključila sa „Diamedic“ d.o.o. Sarajevo Ugovor broj: 33-04-4718/20 od 24.08.2020. godine, kojim je ugovorena nabavka medicinske opreme za nadogradnju aparata magnetne rezonance- Magnetom Avanto, proizvođača „Siemens“-„UPGRADE MR“. Ukupno ugovorena cijena iznosi 1.753.245,00 KM (sa PDV-om). U skladu sa članom 6. Ugovora, 30% ugovorene cijene plaćeno je avansno po zaključenju Ugovora, dok se ostatak ugovorene cijene plaća u 24 jednake mjesečne rate (24 x 51.136,31 KM) nakon isporuke i instalacije opreme. U skladu sa navedenim obavezama JU Kantonalna bolnica Zenica po ovom Ugovoru u 2021. godini iznose 460.226,81 KM.

Ugovorom o nabavci endoskopske opreme za potrebe Odjela urologije, broj: 33-04-5477/20 od 01.10.2020. godine, ugovorena je ukupna cijena nabavke u iznosu od 159.963,40 KM bez PDV-a, odnosno 187.157,18 KM sa PDV-om. U skladu sa ugovorenim obavezama na 2020. godinu su se odnosile tri mjesečne rate po 31.192,86 KM, odnosno iznos od 93.578,59 KM, dok preostale tri rate terete 2021. godinu.

Ugovorom o nabavci endoskopske opreme za potrebe Odjela interne medicine sa hemodijalizom, broj: 33-04-4470/20 od 17.08.2020. godine, ugovorena je ukupna cijena nabavke u iznosu od 265.780,07 KM bez PDV-a, odnosno 310.962,68 KM sa PDV-om. U skladu sa ugovorenim obavezama na 2020. godinu su se odnosile četiri mjesečne rate po 25.913,56 KM, odnosno iznos od 103.654,24 KM, dok preostalih osam rata tereti 2021. godinu.

Ugovorom o nabavci medicinske opreme- Set za rigidnu traheobronskoskopiju i ezofagoskopiju za potrebe ORL I MFH JU Kantonalna bolnica Zenica, broj: 33-04-5530/20 od 06.10.2020. godine, ugovorena je ukupna cijena nabavke u iznosu od 44.941,00 KM bez PDV-a, odnosno 52.580,97 KM sa PDV-om sa plaćanjem u šest jednakih mjesečnih rata, od čega su tri rate po 8.763,50 KM teretile 2020. godinu, a preostale tri rate terete 2021. godinu.

U toku 2021. godine JU Kantonalna bolnica Zenica je provela postupke javnih nabavki i zaključila ugovore o nabavci koji su uvršteni u Program, a odnose se na nabavku držača za glavu za kranijalne operacije za potrebe Odjela neurohirurgije, CTG opreme, resektoskopa za potrebe Odjela urologije, pumpe za aspirator Atmos C361 za potrebe Odjela anesteziologije i intenzivnog liječenja, parafinskog kupatila za potrebe Odjela patologije, plazma sterilizatora sa varilicom, folijama i indikatorima za potrebe Odjela za higijensko-epidemiološki nadzor, endoskopskog stuba za artroskopiju za potrebe Odjela ortopedije i traumatologije, hirurške bušilice, laboratorijskog frižidera, EKG aparata, inkubatora, medicinskih madraca, plinskog amortizera za operacioni sto Schmitz i druge medicinske opreme.

Planirana sredstva za nemedicinsku opremu su povećana sa 135.000,00 KM na 143.000,00 KM, a pored ranije uvrštenih nabavki agregata i vozila za umrle osobe, za koje su donesene odluke o odobravanju sredstava, dodatno su obezbjeđena sredstva za pokriće troškova nabavke računara.

Nabavka rezervnih dijelova planirana je u iznosu od 159.000,00 KM za nabavku rezervnih dijelova za medicinsku i nemedicinsku opremu s ciljem izbjegavanja zastoja u radu i efikasnijeg pružanja zdravstvenih usluga, a sredstva planirana po ovom osnovu u prvobitno usvojenom Programu su preusmjerena na nabavku medicinske opreme i građevinsko-zanatske radove.

Planirana sredstva za građevinsko-zanatske radove su povećana sa 300.000,00 KM na 355.000,00 KM, a u okviru ovih sredstava planirani su građevinski radovi koji se odnose na: rekonstrukciju postojećih vrelovoda- priključak objekta na sistem daljinskog grijanja, rekonstrukciju prostora ispod stepeništa u novi sanitarni čvor u podrumu na Odjelu za infektivne bolesti, sanaciju saobraćajnice i izradu potpornog zida, zamjenu ekranskih cijevi na kotlovskim postrojenjima, oziđavanje kotlovskih postrojenja, rekonstrukciju sanitarnih čvorova i kupatila i ostale građevinske radove za koje je JU Kantonalna bolnica Zenica pokrenula i okončala procedure nabavki u 2021. godini.

Kriterij za dodjelu sredstava

Prioritetne nabavke u okviru planiranih sredstava utvrđuje menadžment JU Kantonalna bolnica Zenica. JU Kantonalna bolnica Zenica provodi postupak nabavke opreme, građevinskih radova i nabavke rezervnih dijelova u skladu sa Zakonom o javnim nabavkama („Službeni glasnik Bosne i Hercegovine”, broj: 39/14) i planom nabavki ove zdravstvene ustanove usklađenim sa Programom.

Nakon okončanja postupka javnih nabavki JU Kantonalna bolnica Zenica podnosi zahtjev Ministarstvu zdravstva za odobravanjem sredstava. Na prijedlog Ministarstva zdravstva, Vlada Zeničko-dobojskog kantona donosi odluke o odobravanju sredstava.

Uslovi transferisanja sredstava na račun JU Kantonalna bolnica Zenica broj:134-010-0000339717 otvoren kod ASA banke, preciziraju se svakom pojedinačnom odlukom o odobravanju sredstava sukladno zaključenim ugovorima.

JU Kantonalna bolnica Zenica obavezna je Ministarstvu zdravstva dostaviti dokaze o izmirenju obaveza dobavljaču prema uslovima iz zaključenih ugovora o nabavci.

1.2. Kapitalni transferi ostalim javnim zdravstvenim ustanovama za redovne kapitalne transfere - planirani iznos 908.000,00 KM

U okviru planiranih sredstava za ostale javne zdravstvene ustanove planiran je iznos od **267.000,00 KM za Zavod za medicinu rada i sportsku medicinu Zeničko-dobojskog kantona**, koji se odnosi na sljedeće:

- Vlada Kantona je obezbjedila sredstva za pokriće troškova realizacije Ugovora o nabavci radova za rekonstrukciju postojećeg vrelovoda- priključenje objekta Stacionar na sistem daljinskog grijanja (faza I i faza II) u skladu sa Sporazumom o provođenju postupka zajedničke nabavke radova za priključenje objekta Stacionara na sistem daljinskog grijanja, koji su potpisali JU Kantonalna bolnica Zenica i JU Zavod za medicinu rada i sportsku medicinu Zeničko-dobojskog kantona od 15.09.2020. godine. Vrijednost pripadajućih troškova koji se odnose na JU Zavod za medicinu rada i sportsku medicinu Zeničko-dobojskog kantona u prvoj fazi je 20.526,54 KM, a ugovorena vrijednost radova druge faze je 76.050,00 KM.
- JU Zavod za medicinu rada i sportsku medicinu Zeničko-dobojskog kantona je svojim dopisom broj: 8712/21 od 08.12.2021. godine obavijestila Ministarstvo zdravstva da nije u mogućnosti realizovati Odluku Vlade Zeničko-dobojskog kantona broj: 02-11-9985/21 od 13.07.2021. godine kojom su odobrena sredstva u iznosu od 62.358,54 KM za

sufinansiranje Projekta „Investicije i mjere energetske efikasnosti u poslovnu zgradu JU Zavod za medicinu rada i sportsku medicinu Zeničko-dobojskog kantona“, sukladno članu 2. Odluke, obzirom na probleme u provođenju postupka javne nabavke. Iz navedenog razloga navedena Odluka će biti realizovana u narednom periodu, a planirana sredstva u ovoj godini su preusmjerena u druge namjene.

- Na zahtjev JU Zavod za medicinu rada i sportsku medicinu Zeničko-dobojskog kantona u Program je dodatno uvršteno obezbjeđenje sredstava za nabavku jednog ultrazvučnog aparata u skladu sa Ugovorom broj: 5509/21 od 16.08.2021. godine zaključenog sa „Medical“ d.o.o. Mostar u iznosu od 79.560,00 KM i pokriće dijela troškova nabavke ultrazvučnog aparata „Vernesa“ u iznosu od 48.750,00 KM, kao i druge medicinske i nemedicinske opreme u ukupnom iznosu od 42.113,46 KM.

Za preostala planirana sredstva u iznosu od 641.000,00 KM Ministarstvo zdravstva, na osnovu Programa utroška sredstava planiranih u Budžetu Zeničko-dobojskog kantona za 2021. godinu na poziciji „Kapitalni transferi drugim nivoima vlasti - za zdravstvo“, broj: 02-11-9365/21 od 01.07.2021. godine, uputilo je dopis ostalim javnim zdravstvenim ustanovama, koje nisu obuhvaćene ovim Programom da u zadatom roku dostave svoje zahtjeve za prioritnim nabavkama neophodne medicinske opreme, te u skladu sa raspoloživim sredstvima utvrdilo raspodjelu planiranih sredstava. Na osnovu iskazanih potreba zdravstvenih ustanova donesene su četiri odluke o odobravanju sredstava u ukupnom iznosu od 641.000,00 KM i to:

- Odluka o odobravanju se sredstva za nabavku medicinske opreme za potrebe domova zdravlja sa područja Zeničko-dobojskog kantona i opremanje nove područne ambulante u Begovom Hanu, broj: 02-11-15058/21 od 11.11.2021. godine, u ukupnom iznosu od 500.000,00 KM,
- Odluka o odobravanju sredstava za nabavku medicinske opreme u JU Opća bolnica Tešanj, broj: 02-11-15059/21 od 11.11.2021. godine u iznosu 101.900,00 KM,
- Odluka o odobravanju sredstava JU Institut za zdravlje i sigurnost hrane Zenica za nabavku opreme, broj: 02-11-16104/21 od 03.12.2021. godine u iznosu od 30.000,00 KM i
- Odluka o odobravanju sredstava JZU Zavod za bolesti ovisnosti Zeničko-dobojskog kantona za nabavku opreme, broj: 02-11-16103/21 od 03.12.2021. godine u iznosu od 9.100,00 KM.

2. Kapitalni transferi javnim zdravstvenim ustanovama za neophodne nabavke koje su direktnoj funkciji sprečavanja širenja zarazne bolesti izazvane virusom COVID-19 i liječenja COVID-19 pozitivnih pacijenata - planirani iznos 950.000,00 KM

Vlada Zeničko-dobojskog kantona je u cilju zaštite stanovništva od zaraznih bolesti kao i pogoršane epidemiološke situacije početkom 2021. godine, te činjenice da se pandemija neće okončati bez provedene vakcinacije, planirala sredstva čija je namjena finansiranje neophodnih nabavki za potrebe javnih zdravstvenih ustanova, koje će biti u direktnoj funkciji sprečavanja širenja zarazne bolesti izazvane virusom COVID-19 i liječenja pacijenata.

Važno je napomenuti da se u okviru Federalnog ministarstva realiziraju nabavke za zdravstvene ustanove sa područja Federacije Bosne i Hercegovine (Projekat COVID-19), čija je realizacija

počela u 2021. godini, te će planirane nabavke zavisiti i od dinamike realizacije ovog projekta, a sve u cilju racionalnog utroška budžetskih sredstava.

U skladu sa Odlukom o raspodjeli planiranih sredstava u Budžetu Zeničko-dobojskog kantona za 2021. godinu na poziciji „Kapitalni transferi drugim nivoima vlasti- za zdravstvo“, broj: 02-11-7756/21 od 31.05.2021. godine, od ukupno 1.000.000,00 KM planiranih sredstava za nabavke koje su direktnoj funkciji sprečavanja širenja zarazne bolesti izazvane virusom COVID-19, za JU Kantonalna bolnica Zenica je planiran iznos od 800.000,00 KM, a za ostale javne zdravstvene ustanove iznos od 200.000,00 KM.

Zbog ušteda nastalih u izdvajanjima za potrebe ostalih javnih zdravstvenih ustanova u iznosu od 50.000,00 KM, navedena sredstva su preusmjerena na redovne kapitalne transfere ostalim zdravstvenim ustanovama, tako da su ukupno planirana sredstva za ove namjene smanjena sa iznosa 1.000.000,00 KM na 950.000,00 KM, odnosno za ostale javne zdravstvene ustanove sa 200.000,00 KM na 150.000,00 KM.

Najveći dio planiranih sredstava za JU Kantonalna bolnica Zenica odnosi se na građevinske radove i to: radove ispred Odjela za zarazne bolesti, radove na Odjelu mikrobiologije, kao i nabavku i proširenje instalacija sa kisikom na svim odjelima gdje se smještaju COVID-19 pozitivni pacijenti (616.837,00 KM). Pored navedenih nabavki planirana je nabavka električnih kreveta (115.537,00 KM), a od nemedicinske opreme ugradnja lifta (67.626,00 KM).

Za potrebe ostalih javnih zdravstvenih ustanova planirana je nabavka neophodnih frižidera za potrebe provođenja procesa vakcinacije, kao i za pokriće troškova ostalih neophodnih nabavki kapitalnog karaktera, koje su u funkciji podržavanja hladnog lanca vakcinacije i sistema vakcinisanja.

Kriterij za dodjelu sredstava

JU Kantonalna bolnica Zenica je iskazala potrebe za nabavkama pri izradi Programa (dopis JU Kantonalna bolnica Zenica , broj: 01-11-3258/21 od 04.06.2021. godine).

Neophodne potrebe za nabavkama za ostale javne zdravstvene ustanove po vrsti i količinama, kao i korisniku sredstava, utvrđuje Krizni štab Ministarstva zdravstva, prema epidemiološkoj situaciji. Na prijedlog Ministarstva zdravstva Vlada Kantona će donositi odluke o odobravanju sredstava.

Zdravstvena ustanova kojoj Vlada Kantona odobri sredstva provodi postupak nabavke u skladu sa Zakonom o javnim nabavkama („Službeni glasnik Bosne i Hercegovine”, broj: 39/14), a namjenski utrošak sredstava se dokazuje uplatom sredstava dobavljaču.

Broj: 02-11-17234/21

Datum, 28.12.2021. godine

Zenica

PREMIJER

Mirnes Bašić

DOSTAVLJENO:

1x Ministarstvo zdravstva,

1x Ministarstvo finansija,

1x a/a.